

Bara ba Jakobo

GENESE KHAOLO 37

KA LETSATSI LE LENG HA BARA BA JAKOBO BA LESHOME BA NE BA ALOSITSE MOHLAPE OA NTATE OA BONA KANANA, BA ILE BA ETSA NTHO E MPE.

JOSEFA, E LENG MORA OA BO11 OA JAKOBO, O ILE A EA LAPENG 'ME A BOLELLA NTATE OA HAE SEO BO-ABUTI BA HAE BA NENG BA SE ENTSE.

U BONTŠITSE SEBETE KA HORE U TLE U TLO MPOLELLA SE ETSAHETSENG. KE MOTLOTLO HAHOLO KA UENA, JOSEFA. BONA, KE U ETSELITSE SEAPARO SE KHETHEHILENG.

HA HO MOHLA A KILENG A **NKETSETSA** SEAPARO SE KHETHEHILENG!

KE MO HLOILE!

NTATE O RATA JOSEFA HO RE FETA!

A KE LE BONENG HLE!

KE KHATHETSE KE JOSEFA.

HAMORAO, JOSEFA O ILE A LORA.

RE NE RE BOKELLA
KORO TŠIMONG, 'ME
KA TŠOHANYETSO
MANGATA A KA A EMA!

MANGATA A LŌNA
A POTA-POTA NGATA
EA KA 'ME A E
INAMELA!

NA SEO SE
BOLELA HORE U
TLA RE BUSA?

U NAHANA
HORE U
MANG?

JOSEFA O ILE A BOELA A LORA.

... 'ME LETSATSİ,
KHOELI LE LINALELI
TSE 11 LI NE LI
NKINAMELA.

KE
KHATHETSE KE
MOIKHOMOSI
ENOA!

LITORO TSA HAE
KAOFELA KE TSA
KAMOO A LENG
BOHLOKOA
KATENG!

JOSEFA, NA U LEKA HO
RE 'NA LE 'ME OA HAO
LE BARA BENO RE TLA
U INAMELA?

MOHLOMONG JEHOVA
O SEBELISA TORO ENA
HO RE BOLELLA NTHO
E ITSENG . . .

KA MORA
MOO . . .

JOSEFA, KE ROMETSE BARA BENO HORE BA ILO LISA LINKU. KE KOPA HORE U ILO BA **BATLA** 'ME U BONE HORE NA BA BOLOKEHILE LE LINKU TSA KA.

KE TLA E TSA JOALO, NTATE.

BONANG! **MOLORI** KE EO A TLA.

HA RE MO **BOLAEENG** 'ME RE MO LAHLELE KA SEKOTING.

EMPA RE TLA RE'NG HO NTATE?

MO LAHLELENG KA SEKOTING, EMPA LE SE KE LA MO LEMATSA.

RE TLA RE SEBATA SE **BOHALE** SE MO HAROTSE 'ME SE MO BOLAILE.

RUBENE, LETSIBOLO LA JAKOBO, A BUA.

HA RE EA LOKELA HO MO BOLAEA.

EKE! HO TLA BE HO FELILE KA LITORO TSA JOSEFA.

HAMORAO, KE TLA MO NTŠA KA HO SONA 'ME KE MO KHUTLISITSE LAPENG.

NAKONG EO RUBENE A NENG A LE SIEO KA EONA, BARA BA BANG B'ABO JOSEFA BA ILE BA MO REKISA.


BONANG! **BAHOEBI** BA LEBILENG EGEGETA!

A RE REKISENG JOSEFA HORE E ILO BA **LEKHOB**A, 'ME HO TLA TŠOANA LEHA A SHOELE!




RUBENE O ILE A KHUTLELA HO BARAB'ABO
'ME A BONA SE E TSAHETSENG.

KE TLA RE'NG
HO NTATE?



NGOANA
O ILE! LE
ENTSE'NG?

U SE KE UA
TŠOENYEHA, RUBENE.
RE TLA BUA
LESHANO . . .



. . . EABA
RÉ FUMANA
SEAPARO
SENA.

KE SEAPARO SA JOSEFA!
E TLAMEHA EBE SEBATA
SE BOHALE SE MO
BOLAILE!



JOSEFA O
SHOELE!

EMPA JOSEFA O NE A SA SHO . . .

RE ITHUTA'NG HO BARA BA JAKOBO?

KE HOBANE'NG HA JOSEFA A ILE A BOLELLA NTATE OA
HAE HORE BO-ABUTI BA HAE BA ENTSE NTHO E MPE?
NTLHA E THUSANG: LEVITIKE 5:1.

KE HOBANENG HA BO-ABUTI BA JOSEFA BA ILE BA
MO HLOEA LE HO THETSA NTATE OA BONA?
NTLHA E THUSANG: JAKOBO 3:14.

U LOKELA HO ETSANG HA ABUTI OA HAO, AUSI OA HAO
KAPA MOTSOALLE OA HAO A FUOA NTHO EO
U LAKATSANG HO BA LE EONA?
NTLHA E THUSANG: BAROMA 12:15; 1 PETROSE 1:22.

PALENG E LATELANG E TSAMAIANANG LE
LITŠOANTŠO, FUMANA HORE NA HO ILE HA
ETSAHALA'NG KA JOSEFA HA A LE EGEPETA.